

MUHULWANE NA MUKUNDI WA MAANDA

 Matsheloni a vhudi, kha inwi. Ya “Vhudisa Paseka” kha munwe na muñwe wanu! Heli ndi linwe la maduvha mahulwanesa, kha vhutambo ha u pembelela u vuwa ha Murena washu. Huno ndi linwe la maduvha mahulwanesa kha divhazwakale ya shango lothe. Ndi u vuwa. Huno ro takala nga maanda u vha fhano, matsheloni ano, nga heli duvha lihulwane. Huno u vhona u bva ha duvha, na u tutuwa ha maluvha u bva kha lifhasi, tshiñwe na tshiñwe tshi amba nga ha Paseka.

Huno zwino khari kotamise zwifhañwo zwashu lwa tshikhalañana.

² Khotsi, Mudzimu, kha Vhuhoneni Hau ri a da. Huno ri khou lavhelela uri Iwe u do ri nea, matsheloni ano, phaþutshedzo yo endedzeaho zwiþuku u bva Taðulu, u kwamiwanyana ha Paseka nga ngomu mimuyani yashu; uri, musi ri tshi tuwa hafha, ri nga amba ra ri, u fana na vhala vha bvaho Emausi, “Naa mbilu dzashu a dzi ngo vha na u swela nga ngomu hashu, nga nthani ha Vhuhone Hawe?” Ngauri, ri a zwi humbelia nga Dzina Lawe, huno u itela vhugala Hawe. Amen.

³ Hafha kha bugu ya u fhedzisela, ndima ya 28 ya Mafhungo-madifha a Mukhethwa Mateo, huno ndimana thukhu ya vhu7, ndi tama u vhala u itela mulaedza, sa izwi ri tshi khou ya kha hei tshumelo.

Huno tshimbilani nga u þavhanya, huno ni vhudze vhafunziwa zwauri o vuwa u bva vhafuni; huno, vhonani, o tshimbila phanda hanu u ya Galilea; hafho ni do mu vhona hone: lavhelesani, ndo ni vhudza.

⁴ Ho no vha na ndaela nnzhi dzo no fhiwaho muthu huno na vhathu vha heli lifhasi. Fhedzi a hu athu vha na ndaela ya ndeme yo ñekedziwaho u fhirisa heyi, “Tshimbilani ni yo vhudza vhafunziwa Vhawe zwauri O vuwa u bva vhafuni.” Ndi ndaela khulu. Huno ndila nthihi fhedzi ine hezwi zwi nga kona u netshedzwa, ho vha hu ngauri hu tea u vha na u kunda huhulu, u thoma.

⁵ Ho no vha na vhanna nga maduvha ashu, na maduvha o fhiraho, na kha divhazwakale ya heli lifhasi, nga kha vhuhulu hazwo, vhuphara ha fhethu ha nndwa; ho no vha na vhakundi vhahulwane vhanzhi, zwithu zwinzhi zwe itiwaho kha lushaka lwa vhathu.

⁶ Sa tsumbo, ndi khou humbula, musi ndi tshi khou da matsheloni ano, ndo vuwa nga u t̄avhanya, huno ndi sa vhe na tshikhala tsha u vhala nga maanda. Ngauri, ndo vha ndi sa divhi uri ndi tshipiда tshifhio, madekwe, tshine ra do vha natsho namusi, vhukati ha vhafunzi na nne, tshumeloni. Fhedzi ndilani yanga ya u da, ho swika he nda humbula mini, matsheloni ano, zwine zwa nga vha zwa khwiñesa zwine nda nga amba kha vhathu Vhawe, u dzhia mulaedza. Nda humbula hezwi, "Iyani u vhudza vhafunziwa Vhawe." Zwino, *vhafunziwa Vhawe Ndi Vhawe "vhatevheli."* *Mufunziwa* ndi "muthu ane a tevhela." Huno nda humbula nga heyi therò, ya, *Muhulwane Na Mukundi Wa Maanda.*

⁷ Huno u humbula nga uri ndi vhangana vhakundi vha maanda vhe ra vhuya ra vha navho kha heli shango, na zwithu zwihiwlwane zwe vha ita u bveledza na u khwinifhadza ndila ya kutshilele kwa vhathu. Ndo vha ndi tshi khou humbula nga hoyu muhulisei Napholioni, murahuni mađuvhani awe, uri o vha hani a si munna wa Mufura o fhelelaho, fhedzi o vha a na tshiñwe tshithu muhumbuloni wawe. Tsha u thoma, o—o nyadza Fura, ha ngo mu takalela. U bva tshiñangadzimeni. Fhedzi o vha a na muhumbulo kha ngelekanyo dzawe, zwa uri, liñwe đuvha u do kunda. Huno tshiitisi tsha uri a vhe na hezwi muhumbuloni wawe, o do tea u vha na tshithu tsha u shuma khatsho.

⁸ Kha munna muñwe na muñwe, ni sa athu ita mushumo, ni tea u vha na iñwe thuthuwedzo, iñwe ndila, tshiñwe tshithu tshine na khou shuma khatsho, u itela tshipikwa tsha mushumo, tshiñwe tshithu tsha u shuma ngatsho.

⁹ Huno sa izwi rothe ri tshi zwi divha, nga u dzhia divhazwakale ya Hitler...kana, husi ya Hitler, fhedzi ya—ya Napholioni, zwauri o ya nga ñwedzini, na nga u shanduka ha džinaledzi. O shuma nga heneyo ndila, na u lavhelela; ngauri zwauri tshiñwe tshifhinga o ita nga u ralo, huno a thuba gundo. Huno a da kha la Fura, huno a vha mudzia mmbi muhulu. O vhulaya vhanna vhanzhi, ngauri vho vha vha sa tendelani nae. Huno a kunakisa shango lawe loþhe, kha tshiñwe na tshiñwe tshino imedzana nae. O tou u li swiela loþhe, ngauri o vha o tea u zwi ita nga heneyo ndila. Arali o vha a songo zwi ita nga heyo ndila, ho vha hu tshi do vha na tshiñwe tshithu tshifhinga tshoþhe tshine tsha do lwedzana nae, huno muhumbulo wawe muhulwane we a vha a nawo kha ngelekanyo. Vhutshilo hawé ho vha hu luþhañeni, ngauralo o vha o tea u vha na muvhuso wawe woþhe uri u khunyelele nga hune a nga kona ngaho.

¹⁰ Ndi khou humbula zwino zwauri ni khou mpfesesa kha hezwi, zwa Mukundi muhulwane ane nda khou humbula. Tshiñwe na tshiñwe kha Muvhuso Wawe tshi tea u vha Tshawe. Hu tea u vha mbilu, maya, na muvhili, u itela Ene. A hu na tshi no tea u lwedzana Nae. Tshiñwe na tshiñwe tshe tsha vha tshi tshi

lwedzana Nae, U do tea u tshi thatha. U tea u vha na tshiñwe na tshiñwe u tou itela Ene. Huno musi . . .

¹¹ Napholioni, o dzhia zwanda, mitshini ya zwigidi yo no namedzwa kha aropuleini, zwigidi, mutshini muhulu wa u dzenisa zwigidi u no dzula kha shađa, mapfumo. Huno o tshimbila na hoyo muhumbulo muthihi, zwauri u do kunda shango. Huno o tou ita hezwo, nga kha miñwaha ya furaruraru. Musi a munna mułku, o vha a muthu a no lwedzana na zwikambi. Huno bvumo lawe lìhulu lo mu ita uri a vhe muthu wa zwitaila zwa ene muñe; huno zwa dzhena malofhani awe, u swikela a tshi fa a na miñwaha ya furaruraru, a tshidakwa. Bvumo lawe, ha ngo kona u ima. Huno ndi khou humbula nga ha munna, ane kha hezwi, kha miñwaha ya furaruraru, o kunda shango huno a fa a tshidakwa, nga nthani ha bvumo lawe, huno a xeletshelwa nga tshithu tshe a vha a tshi khou lìwela tshone. O vha a—o vha a tshaka i no nga, kana, hu si tshaka, ndi nga ri, fhedzi o vha a tshi shumiswa tsha diabolo. Huno a tshi khou lingedza u lwa na shango u li wisa, huno a baleliwa, kha furaruraru.

¹² Fhedzi, yawee, hoyu muhulwane, wa maanda Mudzia-mmbi ane nda khou amba ngae, kha miñwaha ya furaruraru, o kunda zwithu zwe zwa vha zwi lìfhasini huno na—na heleni. Kha miñwaha ya Furaruraru, muhulwane na Mukundi wa maanda!

¹³ Ndi khou humbula nga nndwa khulwanesa dze dza vhuya dza lwiwa luvhandeni. Ri a divha, u fhedza nga Napholioni, zwauri o swika vhufheloni hawe ngei Waterloo. Ho vha hu u tondwa hanga, a si kale kale, u lavhelesa zwifanyiso zwe itiwaho zwa gariki dzawe dzo tshinyadzeaho, na ha vhañameli vhadzibere na vhanna, uri dzo vha dzo lala hani luvhandeni lwa dzinndwa. Huno dzigariki dzo ita muvhula, mavhili o vha o vundea, hanefho na kha luvhanđe, ha hafha he hohu u vhonadzwa huhulu ha vha ho itwa hone.

¹⁴ Huno ndi phambano nngafhani! U limuwa uri munna houla kha miñwaha ya furaruraru, na u shoniswa ho lalaho hafhalo kha tshihumbudzi tsha nndwa yaye khulwanesa na u kunda; huno zwenezwo uya Jerusalema, na u sedza vhiđa li si na tshithu, sa tshihumbudzi tsha muhulwane na Mukundi wa maanda.

¹⁵ Nga iñwe ndila, hu na tshiñwe tshithu kha u kunda. Arali ri na tshiñwe tshithu tshine ra khou lwea tshone, arali hu na vhulwadze mivhili yashu, huno ri tshi khou lwa vhukati ha lufu na vhutshilo, gundo li ngafhani musi ri tshi vhu vhona ho kundiwa. Arali ri tshi khou lwa na ndowelo khulu, kana tshiñwe tshithu tshihulu tshine tsha khou ri tswenya, musi mafheleloni ri tshi imisa dzifulaga khulwane nahone ro no zwi kunda; ndi tshipfi tsha hani tshine zwa ri nea tshone, nga ngomu hashu, ngauri ri a kona u vha vhakundi.

¹⁶ Zwino ndi khou humbula nga nndwa ya u fhedzisela, huno hani-ha musi Hitler o dzhia Warsaw. Huno Madzheremani vho humbula uri ndi mañwe a ma gundo mahulwanesa ane a nga vha hone, ngauri yavho khosi khulwane, Adolf Hitler, o tou ri nga luthihi fhedzi u nupedza zwithu zweþhe Warsaw, u kwashekanya maburoho, huno na buroho khulwane yo wa. Maguranndà o vha o ðala nga zwifanyiso zwa u wa ha buroho. Vhadzheremane vha matsha zwiþaraþani, huno vha lidza dzidirama na u lidza zwipiriri, na dziarapulei dza zwigidi dza fhira nga nþha hawe, sa izwi o vha o thuba gundo lawe lihulu la u thoma. O bva u fana na Alexander Muhulwane, kana Napholioni, u kunda shango, fhedzi naa o fhelela ngafhi? Kha u shonedzwa. Zwa vhukuma, o ralo.

¹⁷ Ndi a kona u humbula musi vha tshi fhaþa Ndila khulwane ya Burma. Hu tewa u vha na... arali vho fhira nþha ha thavha. Vhañwe vha vhatukana vho dzula fhano matsheloni ano, khañwe, vhe vha fhira kha heila ndila khulwane. Wo vha u mushumo mungafhani! Naa ndi mushumo wa vhukuma mungafhani we zwa dzhia, huno ndi mushumo wa vhukuma mungafhani we vha ita! Huno ndi tshelede nngafhani yo shumaho kha u fhaþa Ndila ya Burma, dzimilioni dza dzidolara! Vhatukana vho xelewaho nga matshilo avho, kha u ita hezwo! Fhedzi mafheleloni, huno na nga murahu ha tshifhinganyana, musi maila ya u fhedzisela ya ndila yo no fhela, huno musi ndila yo fhela, zwauri hani u huwelela ha gundo hoyo nþha u bva kha vhathu! Vho vha vha na nþila ine vha nga fhira dzithavha ngayo, u thuba gundo.

¹⁸ Ndi khou humbula nga ha iñwe ndila, ye liñwe duvha zwa dura vhutshilo ha mufhatutshedzwa washu Murena. Yo vha i si yone ndila i yoþhe kha lifhasi, fhedzi yo vha i gondo la nþha li tshi vhidzwa “gondo la nþha la vhukhethwa,” hune a songo kunaho a ngasi fhire khayo, fhedzi havho vho swayiwaho. Fhedzi havho vhane vha vha kha sia line A vha khalo, vha ðo fhira heli gondo la nþha.

¹⁹ Magundo mahulwane o no thubiwa. Vhunzhi hashu namusi ri a kona u humbula zwavhuði nga ha Nndwa Ya Lifhasi Ya U Thoma. Ndi a humbula musi ndi kha ði tou vha mutakana muþuku, ndi a kona u pfa zwipiriri zwi tshi lila; huno na vhorabulasi, dzitsimuni, vho imisa bere dzavho, huno vha dzungudza miñwadzi yavho. Vha huwelela. Vha ita khuwa. Naa ho vha ho itea mini? Nndwa yo vha yo fhela. Gundo lo vha lo thubiwa. Makwevho mahulu e ra vha ri tshi khou lwela one, mafheleloni ro vha ro a thuba.

²⁰ Ndi khou humbula nga ha nndwa ya lifhasi ya u fhedzisela. Ndo vha ndi tshi dzula nga hangei ha tshiþaraþ. Huno musi zwipiriri zwi tshi thoma u lila, vhathu vha gidimela miþani; vhasadzi na dziepuroni, vha tshi khou dzi bvula, huno vha tshi khou dzi monisa tuyani. Dzibuletthe dzi tshi khou fhufha kha

miri. Zwipiriri zwi khou lila. Dzigoloi dici tshi khou ita mugidimo tshiṭaraṭani. Vhatu vha wa nga magona avho, huno vha imisela zwanda zwavho ntha. Vha huwelela. Vha lila. Ndi ngani? Ngauri nndwa yo vha yo fhela. Huno vho fhaṭutshedzwaho, vhatukana vha funeaho vhe vha vha seli ha lwanzhe, hu si kale vha do vha vha khou namela zwikepe vha tshi khou vhuya murahu khavho. Gundo lihulu! Tshifhinga tshihulu, na mutakalo kha mbilu iñwe na iñwe! Muhuvho muhulu! Hovhuļa vhusiku, muñwe na muñwe o vha o takala, huno no vha ni tshi nga dzhena vhengeleni na la zwiliwa, na bva huno ni songo zwi badela, zwo vha zwi tshi do vha zwo luga. No vha ni tshi nga shumisa goloi ya munna a re tsini na inwi, zwo vha zwi tshi do vha zwo luga. No vha ni tshi nga humbel a tshire na ḥoda, no vha ni tshi nga tshi wana. Ngauri mini? Gundo lo vha lo thubiwa. Vhatukana vho vha vha tshi khou vhuya hayani. Zwo vha zwo fhela.

²¹ Huno ndi khou humbula, mukomana wanga, ndi zwithu zwo vhifhaho vhukuma zwauri vhūdipfi ho no nga hovhuļa a vhu dzuli tshifhinga tshoṭhe. Fhedzi, u vha Mukriste, matsheloni ano, gundo lo thubiwa. Dzibele dza dakalo dici khou lila. Nndwa yo fhela, vhukati ha Mudzimu na munna. Gundo lo no thubiwa.

²² Phanda ha musi gundo liñwe na liñwe li tshi thubiwa, hu tea u vha na mbadelo khulu ine ya badeliwa. Yawee, Ndi mbadelo-de! Huno tshiñwe tshifhinga dici vha dzo tsa vhudzivhani vhukuma, huno dici ita na mavhadzi mahulu, u kwashekaneli fhasi. Fhedzi, u itela u vha na thavha, ri tea u vha na muedzi. Ri sa athu vha na masana a ḫuvha, ri tea u vha na mvula. Ri sa athu vha na tshedza, ri tea u vha na vhusiku. Ri sa athu vha na zwa vhukuma, ri tea u vha na zwo khakheaho, kana no vha ni tshi do vha ni sa ḫivhi uri ndi mini zwo khakheaho.

²³ Fhedzi u itela u kunda na u thuba nndwa khulwanesa ye ya vhuya ya thubiwa, Muthihi o bva Vhugalani, miñwahani minzhi yo fhiraho. Huno ha ngo dzhia kha Ene mune tshivhumbeo tsha Muruñwa. Ha ngo da sa muthu a huliseaho. Fhedzi O vha a tshi khou ya u sumbedza uri a zwi dzhii mitshini mihulu ya zwigidi na dzigulu, na bomo ya athomo, u thuba nndwa. O qifukedza Ene-mune nga u dinyadza, u tou fana na ḫwana muñku, huno o bebelwa dangani la dzidonngi. Ho vha hu si na na fhethu ha u bebiwa hawe, musi A tshi da. Ndi khou ḥoda ni tshi lavhelesa zwi shumiswa zwo fhambananaho zwa nndwani, zwe A zwi shumisa.

²⁴ Zwino, lushaka lwa Adamu lwo vha lu vhupulini. Vho vha vha henefho, vha si na fulufhelo, vha si na Mudzimu, vha si na tshikhala, vha si na khathutshelo, vha si na tshiñwe tshithu tshire tsha nga vha thusa. Maswina mahulu, a fhethu ha madzingu a fhasi a vho xelaho, vho vha vho valelwa swiswini. Ho vha hu si na ndila ya u bva. Ho vha hu si na muthu ane a nga thusa. Ho vha hu si na zwine zwa nga itiwa u kona u thusa. Zwo vha zwi tshi vhonala sa, u xela ho fhelelaho.

²⁵ Fhedzi Mukundi washu, We a da u bva miñangoni ya Vhugala, a tshi khou ñitukufhadzela phasi!

²⁶ Ngauri, ho vha hu si na munna lifhasini we a vha a tshi nga ita mushumo. Whothe vho vha, vha tshi amba sa shango, kha tshikepe tshithihi. Ro vha, roþhe, "ro bebelwa tshivhini, ro vhumbelwa vhutshinyini, ro ða shangoni ri tshi amba mazwifhi." Huno a hu na na muthihi washu aña e nga thusa muñwe. Ro ima ri si na thuso, ro kundwa, nyimele yo vhifhaho kha zwanda zweþhe, roþhe ri si na u farana. Ro vha ri sa koni u tevhedza milayo na vhutšambo, u wana u balelwa havho na zwiñwe-vho, ro vha ri sa koni u zwi ita. Huno zwo vha zwi tshi vhonala u nga lushaka lwoþhe lwa vhathe lwo lwozwea.

²⁷ Huno zwenezwo A ða, A tsela phasi. Ngauri, "O vha a hone u rangani," Bivhili yo ri, "O vha a Ipfi." O vha a Logos ye ya bva kha Mudzimu. Huno Logos, u rangani, yo vha i Ipfi. Huno A vha Ipfi. Zwenezwo musi A tshi takulelwa ntha nga helia duvha la vhugala la Paseka, Ha ngo tou vha fhedzi Ipfi, Fhedzi o vha Ene Tshifhe Muhulu wa Ipfi Lawe. Yawee, ndi zwithu zwa vhugala lungafhani, Mukomana Neville! Itanu humbula! Ha tou vha fhedzi Ipfi, fhedzi ndi Ene Tshifhe Muhulu wa Ipfi Lawe. Ri nga li hana hani? Ri nga ya hani Khae huno ra si tende zwauri ri do tanganedza zwe ra humbela? Ngauri, Ndi ene Ipfi a dovha a vha Mupfumeleli wa Ipfi! Logos yo vha Ipfi, huno Ipfi lo itwa ñama; huno ñama yeneyo nthihi yo vha i Ipfi, yo tanganedzwa Vhugalanji, huno zwino ndi Tshifhe Muhulu a itaho zwipfumelelo, nga Ene-muñe, kha Ipfi Lawe.

²⁸ Ndi zwine zwa dzhia zwone! Ndi zwone tshi shumiswa tshire Tshihidzo tsha vha natsho. Ndi tshiþhavhane-de! A hu athu vhuya havha na tshi no nga Tshone. O vha a Ipfi. Huno musi A tshi ða, O bebiwa dangani la dzidonngi. O ða a shumisa tshiþhavhane tsha l-u-f-u-n-o, lufuno, u kunda shango; hu si nga mmbi ya dzigulu, hu si nga mitshini ya zwigidi na dzithannge. Fhedzi O ða nga ndila yo fhambanaho. O ða nga tshivhumbeo tsha lufuno. O vha a lufuno lwa Mudzimu.

²⁹ Tshiñwe tshifhinga, sa mutukana muñku, ndo vha ndi tshi humbula zwauri Kristo u a mpfuna, huno Mudzimu u a mbenga; ngauri Kristo o mpfela, fhedzi Mudzimu u na tshiñwe u lwedzana na ñme. Fhedzi ndo ða nda wanulusa zwauri Kristo u tou vha mbilu ya Mudzimu. "Mudzimu o funa shango, he A vhuya a nekedza Murwa Wawe mubebwa a eþhe, zwauri na nnyi na nnyi a Mu tendaho a si lovhe, fhedzi u do vha na Vhutshilo Vhu Sa Pheli."

³⁰ Zwino O ða, tsha u thoma, u kunda. Huno tshithu tshe diabolo a vha o tshi vhea shangoni ho vha vengo. Huno O ða u kunda vengo. Musi ri tshi thuba nndwa dzashu, na zwo raloho, kha nndwa dza shango, zwi dzulela u sia, tshifhinga tshoþhe, u vhengwa; ngauri, nndwa dzi ngaho idzo ndi dza swina. Fhedzi

Kristo u da na lufuno, u kunda vengo, u funa havho vhane a vha funei. U da na tshithavhane tsho fhambanaho. Huno O Dītukufhadza, “o itwa wa fhasinyana ha Vharuňwa,” U tambula lufu, huno na u nea tsumbo. Huno musi A fhano lifhasini, O tshimbila vhukati ha vhathu.

³¹ O tikedza zwiþhavhane Zwawe zwa nndwani, musi A tshi fhodza vhalwadze. Musi a tshi dzhia marotho maþuku maþanu na zwipiða zwivhili zwa dzikhovhe, huno a fusha vhathu vha zwigidi zwiþtanu, O sumbedzisa zwauri U na maanda nþha ha athomu iñwe na iñwe ine ya vha hone. Hu si uri fhedzi O andisa khovhe, fhedzi O andisa khovhe yo bikiwaho. Hu si uri fhedzi o hudza fuþlauru kha hovhula vhurotho, fhedzi O hudza fuþlauru yo bikiwaho kha hovhula vhurotho. Zwo sumbedzisa zwauri O vha a Mukundi muhulwane wa maanda! Hu si uri fhedzi O wana madi a tshisimani, fhedzi O ita hayo madi, veine, u bva kha tshisima. O tikedza uri U na Maanda a u kunda. Huno O funa, nahone tshiþhavhane Tshawe ho vha hu lufuno. Zwino limuwani.

³² Zwenezwo musi A tshi ita hezwo, musi A tshi ima liñwe duvha nga tsini ha livhiða la Lazaro, huno ho vha hu na munna, o faho, na u vhulungwa lwa maðuvha manja. Na vhe vha vha vha nga tsini, vho ri, “na zwino u vho nukha.” Ningo yawe yo vha yo no wela nga ngomu, mbungu dza muvhilini dzo vha dzo no tshimbila khayo. Huno Yesu a ima hanefho, sa Mukundi wa maanda, musi A tshi ri kha Marija na Maria, musi A tshi ima hanefhaþa, “Naa a thongo ni vhudza, ‘Arali ni tshi nga tou tenda fhedzi, ni do vhona vhugala ha Mudzimu?’” O vha a tshi khou tou bva u fhedza u amba (musi vha tshi ri, “khaladzi ashu o lovha,” na zwo raloho), A ri, “Ndi nne mvuwo na Vhutshilo! Hoyo ane a tenda kha Nñe, naho o fa, fhedzi u do tshila. Huno uyo ane a tshila huno a tshi tenda kha Nñe, ha nga do fa. Naa a tho ngo ni vhudza zwauri zwauri Maanda haala o fhaþutshedzwaho, a U Ya Nga Hu Sa Fheli o dzula kha Nñe?” Ha ngo ita fhedzi fhungo, O vha a tshi kona u bveledza tshiñwe na tshiñwe tshe A amba, ngauri O vha a Mukundi wa maanda.

³³ Nga ngomu Hawe, u farela murahu, o pila nga ñama ya muthu, sa muthu, fhedzi nga ngomu hafhaþa ho dzula hu si muñwe fhedzi Ramaandaoþhe Mudzimu, muhulwane na Wa maanda. O vha a tshi kona u sikulula. O vha a tshi kona u sika zwithu zwiswa. O vha a tshi kona u amba, huno zwe A humbela zwo vha zwi tshi do nekedzwa nga wonoyo muthethe. Fhedzi, O Dītukufhadza, O dzula a wa fhasi. O vha a tshi khou tðoda u nea tsumbo. O vha a tshi khou tðoda u vha Mukundi o fanelaho, huno O vha a ene. Zwino, O Dītikidza u vha.

³⁴ Sa zwine nda dzulela u amba kha miþangano, khamusi zwi nga tanziela matsheloni ano, kha hetshi tshigwada tsha vhathu, kha haya matsheloni a manaka-naka a Paseka. Musadzi, ano dzhena kha tshiñwe tshividzo tshire a tshi tendi kha u

ṭanganedza Malofha a Murena Yesu. “Hu si na u shuluwa ha Malofha, a hu na u hangwelwa ha zwivhi.” O ntalutshedza zwauri Munna o vha a tshi tou vha muporofita, Munna wavhudzi, huno ndi mu ita Wa n̄tha ha mupo. Nda ri, “O vha a Wa n̄tha ha mupo. O vha a Mudzimu.”

A ri, “Ni lingedza u Mu ita muhulwanesa.”

³⁵ Nda ri, “A hu na maipfi a ne a nga ṭalusa vhuhulwane Hawe!” Ndimi ya muthu a i athu wana ṭhaluso!

³⁶ Ndi tshi khou amba na munna liñwe duvha, mudipulomati u bva Washington, DC, huno a ri, kha vhutanzi vhutuku kha—kha vhuragane he ra vha ro ṭanganyiswa rōhe, a ri, “Mukomana Branham, ndo vha Muļutere vhutshilo hanga hōhe. Fhedzi,” a ri, “liñwe duvha ndo dzhenelela mvusuludzo ya maitele a kale,” a ri, “Ndo gwadama alečarini, huno ndi tshi khou ṭoda u wana tshenzhemo na Mudzimu.” A ri, “Huno musi ndi henehfo magonani . . .” Zwino, hoyo ndi mudipulomati wa Washington we a shuma na Phuresidennde Cooledge. Huno musi a “tshi sedza n̄tha,” a ri, “Ndo vhona bono la Yesu.” A ri, “Ndi a kona u amba nyambo dza ṭahe dzo fhambananaho, zwavhudzi.” A ri, “Fhedzi a thi ngo kona u wana na ipfi na lithihi line nda nga amba, kha hedzo nyambo dzōhe dza ṭahe.” A ri, “Ngauralo ndo tou imisa tshanda tshanga, huno A nnea luswa, u amba ngalwo.” A ri, “Ndo tou vhona Vhugala ha tshifhaṭuwo Tshawe.”

³⁷ Hoyu musadzi a ri kha nne, a ri, “Khaladzi Branham, Yesu o vha a si tshithu fhedzi munna, muporofita zwawe.”

Nda ri, “‘O vha a Mudzimu,’ Khaladzi anga.”

³⁸ A ri, “Ni Mu ita Wa n̄tha ha mupo, fhedzi A si ene.” Ngauralo a ri, “Ndilani ya u tsa fhasi, u rembulusa . . . ho vheawo, tshaloni tsha Lazaro, Bivhili i ri, ‘O lila.’”

³⁹ Zwa vhukuma, O vha a tshi tou vha mbilu ya Mudzimu. O tambula u fana na zwine ra tambula. O vha a nama u fana na riñe ri nama. O hwala, kha muvhili Wawe, lutamo luthihi na zwithu zwine ra zwi ita. Fhedzi, u vha Tshithavhelo tsho khunyelelaho, O vha o tea u ita hezwo. O zwi ita. Fhedzi nda ri . . .

A ri, “O lila, a tshi khou tsa fhasi tshaloni tsha Lazaro.”

⁴⁰ Nda ri, “Fhedzi, yawee, musadzi, ndi zwa vhukuma. O vha a munna, musi O vha a khou lila. Fhedzi musi O ima henehfo, nga tsini ha hetsho tshalo, hune vho fhumulaho, vho faho vho lala hone; he muvhili wo sinaho wa edela hone, wo putelwa nga malabi a u adzela; musi a tshi ri, ‘Bvisani tombo.’ A vhuisa muvhili wōhe Wawe, huno a ri, ‘Lazaro, bvelani mn̄da!’ Huno munna we a vha o fa, mađuvha maña, a ima nga milenzhe yawe.”

⁴¹ Ho vha hu mini? U tshinyala ho ḋivha Muvhumbi waho. Muya u ḋivha Mulangi wawo. Huno houla muhulwane Mukundi wa maanda o tikedza henehfo zwauri U na Maanda a lufu, Maṭadulu na hele, na tshalo.

⁴² Zwa vhukuma, zwi takadza mbilu dzashu! Ni amba nga u rwa mirumba, na u lidza mañanga? Shango li tea u vha li khou pembela matsheloni ano, u fana na zwine a li athu vhuya la zwi ita, u huwelela na u ṭavha mikosi ya vhatu Vhawe, ngauri hezwi ndi duvha la tshihumbudzi musi A tshi kunda swina la u fhedzisela, huno a vhofholola riñe vha vhofhiwa.

⁴³ Ee, O vha a Munna. Ndi zwa vhukuma. O tikedza u vha Munna, huno O tikedza u vha Mudzimu. Vhuňwe vhusiku musi...

⁴⁴ Lwanzhe luhulu lwo sinyuwaho, lwe lwa vhidza zwigidi zwa matshilo. Khaňwe vhaňwe vha vho inwi vhomme hafha, matsheloni ano, vhatukana vhanu vho lovhela kha lwanzhe lwo sinyuwaho hangei nnnda, khamusi vho nupela fhasi ha magabelo kha dzinndwa dza dzimbande dzo hulaho dza heli shango. Vhaňwe vha vhafunwa vhanu vho edela hangei nnnda, khamusi fhasi ha lwanzhe.

⁴⁵ Fhedzi vhuňwe vhusiku musi O edela kha tshirepe tshițuku, huno magabelo a tshi khou tsa n̄tha na fhasi kha lwanzhe, u fana na tshithivho tsha bodelo. O vuwa, a vhea mulenzhe Wawe kha lumeme lwa tshirepe. A lavhelesa n̄tha u ya ṭadulu, huno a ri, "Mulalo." Na kha mađumbu, A ri, "Fhumulani!" Huno lwanzhe holuya luhulwane lwa fhumula u swika hu tshi sala hu si na u honyana khalwo. Zwa vhukuma, O vha a ene!

⁴⁶ Ndi zwa vhukuma zwauri O farwa nga ndala sa Muthu. Musi A tshi tsela fhasi u bva thavhani huno O vha a na ndala, a lavhelesa muri u itela tshiňwe tshithu tsha u la, O vha a Muthu. Fhedzi musi A tshi dzhia haala marotho mañanu na khovhe dzisigathi, huno a fusha zwigidi zwiňanu, O vha a tshi fhira Muthu.

⁴⁷ Musi A tshi fa miňwaha ya danagidiňahe yo fhiraho, duvha la murahu ha mulovha, o nembelela kha tshifhambano, a huwelela u itela khathutshelo, "Mudzimu Wanga, Mudzimu Wanga, ndi ngani Wo N̄tutshela?" O fa sa Muthu. Fhedzi miňwaha ya danagidiňahe na zwiňwe-vho miňwahani yo fhiraho, matsheloni ano, O tikedza zwe a vha A zwone! O nekedza luswayo lwa u fhedzisela lwa Vhumesia Hawe musi A tshi rovha mbofho dza lufu na hele u kwashekana, huno a vuwa u bva vhafuni, o kunda, "Ndi a tshila u ya nga hu sa fheli! Huno, ngauri Ndi a tshila, ni a tshila-vho!"

⁴⁸ Khoyo Mukundi! Ni amba nga ha u bvula dziapuroni na dzi dzungudza muyani? Vhatu vhari ri a lwala ngauri ri huwelela na u gidima, na u ṭavha mukosi na u tzhemba. A vha athu vhuya vha pfa munzenzero wa u kunda wa u ya ṭadulu, zwa uri, "Nndwa yo fhela!" Washu muhulwane, Mukundi wa maanda o no thuba gundo liňwe na liňwe! O ima a eþhe, matsheloni ano, a so ngo kwamiwa!

⁴⁹ Musi A tshi da lifhasini, vho Mu nea dzina la fhasisa line vha nga Mu nea, sa "wa vhusweleli ho kalulaho." Vho Mu vhidza Belesebulu, "mukololo wa madimoni." Ndi zwa vhukuma. O ya kha dorobo thukhusa ine ya vha hone lifhasini, Jerikho, huno na munna mupfuhisa kha dorobo o sedza fhasi u Mu vhona. Fhedzi musi Mudzimu, miñwaha ya danagidiتاhe yo fhiraho, O Mu vusa! Ndi zwe vhathu vha ita Khae. Fhedzi, nga tshithavhane tsha lufuno, O kunda dimoni linwe na linwe.

⁵⁰ Huno Mudzimu o Mu takusela nthia vhukuma, huno a Mu nea Dzina line la vha nthia ha madzina othe e a vhuya a irwa Tađulu na lifhasini. Dzina linwe na linwe Tađulu li tea u gwadama kha Dzina la "Yesu"! Muruñwa muñwe na muñwe, murangaphanda muñwe na muñwe, tshiñwe na tshiñwe tshi tea u gwadama kha Dzina la "Yesu"! Ndimi iñwe na iñwe itea u bula Ene, gona linwe na linwe li tea u gwadama Khae. Huno O gonya u ya nthia nthia vhukuma, u swika A tshi tea u sedza fhasi u vhona na Mađadulu. Ndi ene Mukundi wa maanda! Ndi Ene we a zwi ita! Musi A tshi tutshela lifhasi, nga mûrahu, vhusiku ha mulovha ro vha na, O vha a na khono dza lufu na hele dzi tshi khou nembelela nga thungo Hawe, amen, "Ni songo ofha, Ndi Nne we a vha o fa, huno u a tshila u ya nga hu sa fheli. Na" (na ndi liñganyi) "Ndi na khono dza lufu na hele, dzi khou nembelela hafha." Ambani nga Mukundi! "Huno, ngauri ndo kunda, ndo tou ni itela ndila ya nthia u itela inwi u ri ni tshimbile."

⁵¹ Munna o vha o haniwa Tađulu, gondo la nthia lo vha lo valiwa. Ho vha hu si na gondo la nthia. Fhedzi, he ha vha hu si na gondo la nthia, O da u ita liñhihi. Yawee, nne nne! Mutalo wa u thoma ho vha hu madimoni a u tima-tima, u tevhelaho ndi mulayo, u tevhelaho ndi vhunñe; heli lifhasi lo vha lo tangwa nga maanda a madimoni; zwenezwo vhulwadze, mañungu. Fhedzi musi a tshi thoma u takuelwa Tađulu! Vhusiku ha mulovha ro vha Nae a tshi khou bva heleni, na khono dza lufu na hele nga thungo Hawe. Matsheloni ano ri khou Mu takulela nthia. Haleluya! Musi A tshi vuwa, O vha a na... O vha o kunda. Huno, musi A tshi ya nthia, O rovha maanda a dimoni linwe na linwe le la vha lo fareledza muthu. O gonya Nthia, huno a nea zwifhiwa kha vhathu, zwifhiwa zwa Muya Mukhethwa. Mukundi wa maanda! O ima a ethe, matsheloni ano! Huno, vhukati Hawe na mutendi muñwe na muñwe, ndi gondo la nthia lo fhatutshedzwaho la vhukhethwa line vho lugaho vha tea u tshimbila khalo. A hu na ndila ya u ponya. Hu tou vha na mutalo muthihi wo gerwaho u bva kha Vhugala. O sia Khando dza Nayo dza Malofha musi A tshi khou tshimbila kha dziphasedzhi dza maanda a madimoni, huno a ita gondo la nthia u itela rine, ndilani yothe u swikela. O dzula Nthia, matsheloni ano, sa wa maanda Mukundi!

⁵² Vhathu Vhawe vha khou vha na muhuvho. Zwigidi zwa fumi zwavho, u mona na shango, vha khou huwelela gundo.

⁵³ Ndo no lavhelesa hezwi zwa kale u dzhoina tshivhidzo tshofholaho. Ndi a humbula muñwe muthu a tshi ri... Ndi do ni sumbedza u laña hazwo.

⁵⁴ Hafha, nga u ḥavhanya musi Nndwa ya u Thoma yo fhela, mulaedza wo vha u tshi khou da u bva nga bada hafha, khou da nga bisi la Greyhound. Vha ri, "Naa ndi phosho ya mini? Naa zwi nga ha mini?"

⁵⁵ Huno muñwe wavho a ri, "Lavhelesani hafha khezwi kha gurannda. Nndwa yo tou fhela." Huno muñwe na muñwe a tshi khou lila na u huwelela.

⁵⁶ Fhedzi muñwe musadzi a ri, "Yawee, nñe nñe, ndi ngani yo tea u fhela nga iyo ndila?" A ri, "Arali yo vha yo tou u bvela phanda lwa maduvha o vhalahonyana," a ri, "Yohane na nñe ro vha ri tshi dovha ro dzula kha tshiṭaraṭa tsha easy." A ri, "Ro vha ri tshi dovha ro dzula hanefha."

⁵⁷ Ho vha hu na munna we a vha o ima nga murahu, kha tshivhoni tsha basi; o fara uyo musadzi, huno o tou nyanga u mu lata nga vothi. Huno musi mapholisa vha tshi fara munna, a ri, "Tshitisi tsha uri ndi zwi ite," a ri, "houla musadzi o vha a si na muthu ane a khou vhilaedzwa ngae. Fhedzi ndi na vhatukana vhavhili hangei." A ri, "A thi ngo kona u fara vhudipfi hanga."

⁵⁸ Yawee, mukomana! Ndi na khotsi hangei nn̄da. Ndi na vhafunwa vhanga hangei nn̄da. Ndi tshiñwe tshithu kha nne, musi Yesu a tshi kunda. Ndi na mufumakadzi. Ndi na lushie. Ndi na vhafunwa vhanga. Houla muhulwane, Mukundi wa maanda! Ni nga mmbidza "Muvhumbuluwi mukhethwa" kana "mupengo wa vhurereli," tshenetsho tshine na ḥoda tshone. Fhedzi, musi ndi tshi humbula nga ha heiña nndwa khulwane, zwo fhela, mbadelo ya badelwa, gundo lo thubiwa. Yesu o vuwa u bva vhafuni, luswayo lwa u fhedzisela lwa vhumesia Hawe, zwauri zwo fhela lwa tshothe. U a tshila, matsheloni ano, na khono dza lufu na hele. Ndi na vhafunwa vho no fhiraho mukano nga hangei. Ndi kha heli gondo la n̄tha la kale li ḥonifheaho, ndi tshi khou tshimbila u ya u vha vhona. Ni songo humbula zwauri ndi a lwala. Yawee, fhedzi ndo takala nga maanda zwothe zwo fhela! Ndi mushumo wo fhelaho.

U tshila, O mpfuna; u fa, O ntshidza;
 U vhulungiwa, O hwalela zwivhi zwanga kule;
 U vuwa, O nyita o lugaho nga mahala u ya nga
 hu sa fheli;
 Linwe duvha U khou vhuya, Yawee ḥuvha la
 vhugala!

⁵⁹ Heyi phaṭhutshedzo ya ndovhedzo ya Muya Mukhethwa ya kale, ya uri endedza u ya n̄tha kha heli ḥavhuḍi la kale gondo la n̄tha, yawee, zwi tou vha zwa vhugala hani! Naa ndi nga vhuya nda kona hani u vha na ḥoni ngazwo? Ndi ima na Mukhethwa Paulo, matsheloni ano, a tshi amba hezwi, "A thi na ḥoni

nga Mafhongo-madifha a Yesu Kristo, ngauri ndi Maanda a Mudzimu kha u tshidza." Ndi Maanda nt̄ha ha vhulwadze. Ndi Maanda nt̄ha ha lufu. Ndi Maanda nt̄ha h̄a tshalo.

⁶⁰ Musi houla ramuzika, mukalaha wa muapostola a tshi swika magumoni a lwendo lwawe, huno vha gwa vhida lawe hangei nn̄da, huno lufu lwo vha lwo livhana nae kha tshifhaṭuwo, o lu sea phanda ha tshifhaṭuwo tshalwo. A ri, "Lufu, naa gundo lau lingafhi?" Zwenezwo a huwelela thendo dza Mudzimu, "Fhedzi ri livhuwa Mudzimu We a ri n̄ea gundo nga kha Murena washu Yesu Kristo!"

⁶¹ Mukundi wa maandesa we a vhuya a tshila, Mukundi wa maandesa we a vhuya a fa, ngauri O vha a Ene a eṭhe we a vha a tshi nga kona u kunda; u fa, na u kunda lufu lwone lune, huno a vuwa hafhu nga gundo! O sumbedza zwe a vha A zwone. Ho vha hu luswayo lwa u fhedza lwa vhumesia Hawe.

⁶² Huno zwino, arali zwo sokou itea, arali hu tshi nga vha na munwe muthu kha hetshi tshifhaṭo matsheloni ano, ane a vha murado wa tshivhidzo a dudelaho, huno a vha a sa divhi dakalo la nndwa yo fhelaho. Vhatu vha a huwelela, vhatu vha a takala, vhatu vha a lila! Ni ri, "Naa thaidzo ndi mini ngavho?" Vha a zwi divha uri ndi tshithu tsho fhelaho. Zwo fhera lwa tshoṭhe! Zwa vhukuma! Ri [Mukomana Branham u vhanda zwanda zwawe—Mudz.] u lila ha bennde. Ri khou lidza dziphaphala, huno Mafhongo-madifha a kho ya nn̄da. Vhugala na Maanda a Mudzimu a khou divhiwa. Huno ndi mushumo wo fhelaho, u tenda u kundiwa ho sainiwa; vhugala kha Mudzimu, Kristo o zwi saina nga Malofha Awe Ene-munē! Nndwa yo fhera. Gundo lo thubiwa. A thi ngo vhuya nda i thuba; O li thuba! Ndi tou vha ndo takala nga hazwo. N̄ne n̄ne!

⁶³ Musi vhaṇwe vha havhala vhatukana vha tshi vhuya u bva seli ha malwanzhe, vha mmbudza uri, musi tshikepe tshi tshi swika New York, musi tshi tshi tou swika kha mathomoni a madi a lwanzhe, vho lavhelesa hangei vha vhona Tshiimiswa tsha Mboholowo. Ndi tshithu tsha u thoma tshire na tshi vhona, tsho ima. Vho ima, vhaṇwe vha vha lwela mboholowo vha vha holefhalo kha lumeme lwa tshikepe, uri vha kone u tshi vhona. Huno musi vha tshi thoma u vhona hetshila Tshiimiswa tsha Mboholowo, vha thoma u lila. Vha lila. Vho vha vha sa koni u dithusa. Vhanna vhahulwane nga maanda vho ima hanefhalo, vhanna vhahulwane vha zwanda zwo khwaṭhaho, u tetemela na u rengedela. Vho vha vha sa koni u fara vhudipfi havho. Ndi ngani? Ho vha hu tshiga tsha mboholowo. Hanefhalo nga murahu ha Tshiimiswa tsha Mboholowo, ho lala... ho vha hu baba, mma, vhafunwa vhanga, dinga la mbilu, mufumakadzi, nwana, vhothe kha heli lifhasi vha ambaho zwihihulusa khavho, u tou dzula nga murahu hatsho. Huno vha sa athu tshimbila nga ngomu, vha limuwa, ho vha hu shango la vho vhofholowaho na vhare na tshihindi. Zwa vhukuma, zwo vha zwi tshi q̄

dzinginyisa zwipfi zwañu, heila fuлага ya kale i tshi khou leleđa. Humbulani ngazwo, vhalwela mbofholowo vha nndwa vho tshuwaho vha tshi khou da vhuimoni ha zwiķepe! Zwa vhukuma, ho vha hu tshifhinga tshavhuđi.

⁶⁴ Fhedzi, yawee, mukomana, manwe a haya matsheloni, musi Tshikepe tsha kale tsha Sioni tshi lidza bele, huno nda vhona tshiga tsho imaho hanefho, Tshifhambano tshi hwasaho tsha kale! Musi mimuya i tshi rwa tshiga tshawe tsha tsetħana, musi tshi tshi khou fhira vhukati ha mutsi wa lufu. Ndi gundo lingafhani-naa! Mulandu, ndi ngazwo ri sa koni u laula zwipfi zwashu! Tshiñwe tshithu tsho itea; ro no vha vhadzulapo. Tshithu tsho fhela.

⁶⁵ Musi vha tshi ita buroho l̄ihulu la Devhula na—na—na—na Tshipenbe ha Australia, u bva Sidney, u ya Tshipembe Sidney. Hani munna muñwe na muñwe o dzhia... Mulandu, vho tshimbila na shango lo̥the, u lingedza u wana munna ane a nga zwi ita. Hoyo mushumo wo vha u muhulwane, ngauri vho ri a hu na muthu aña a nga u ita. Mafheleloni, munna u bva England a ri, “Ndi do ita mushumo.” Huno musi a tshi swika henefho u ita houla mushumo, o linga baudu iñwe na iñwe ye ya dzhena kha buroho. U ḥthonifhiwa hawé ho vha ho lala kha luħaħe. O linga matope oħthe na tshiñwe na tshiñwe tshe tsha tsa fhasi. A mona, huno zwa khwinesa zwine a nga kona u zwi wana; zwi shumiswa zwa khwinesa, mishonga ya khwinesa, zwa khwinesa zwa tshithu tshiñwe na tshiñwe tshine a nga kona u tshi wana, u mona nae. Huno, mafhedzisloni, musi buroho lo no fhela, na duvha la swika l̄ine la tea u lingululwa.

⁶⁶ Vhasasaladzi vho ima kha liñwe sia, huno vha ri, “A li nga do ima. Li do dzinginyea la kwashekanel fhasi. Ho itesa muṭavha hangei fhasi.”

⁶⁷ Fhedzi o gwa u ya, u ya, u ya, u ya fhasi-fhasi. O vha a na vhudifulufheli. O vha a tshi zwi divha uri tshiñwe na tshiñwe tsho lingululiwa. Huno a ri, “Ndi do ita lwendo lwa u thoma u buđa, nne muñe.” Huno samusi a tshi khou buđa nħha ha buroho, phanda ha meyara, nga murahu nga u ralo; na zwidimela zwiħulwané, zwa rathi zwi tshi khou tou tevhékana, zwi tshi khou buđa, zwi tshi khou dzinginyisa buroho heyo. Munna muhulu we a i ita, o tshimbila phanda ha heyi nyito, u fana na hezwi, “Arali la kundelwa, ndi do vha ndi naļo.” Fhedzi o vha a na vhudifulufheli.

⁶⁸ Ndi nga ndila ine mufhaṭutshedzwa washu Murena a ita ngayo musi A tshi ita Tshiyhidzo Tshawe! O linga baudu iñwe na iñwe, tshiñwe na tshiñwe tshe tsha dzhena Khatsho, ngauri tshi tea u vha tsho ḥanzwa nga Malofha! Huno muñwe wa vhasasaladzi o ima nga tsini, a ri, “Hetshila tshigwada tsha vha vhumbuluwi vhakhethwa, a vha nga qo dzhena.” Fhedzi liñwe la haya maduvha a vhugala! Hoyu, Mukundi wa maanda

o tshimbila phanda hashu ḥamusi, na gundo! Irani a dzinginyee, a ite zwine a funa, U do... A hu nga do vha na u suvha na huthihi khatsho, na fhethu na huthihi, ngauri O ita ndila, huno a i fhedza. Zwa vhukuma!

⁶⁹ Ri humbula ḥamusi u ya nga kuvhonele kwa vhathu, ri dzhia mihumbulo yashu kha zwithu zwa shango. Fhedzi irani ndi ni vhudze zwiñwe zwithu, mukomana, ni songo vhuya na ita uri ndi vhe na ḥtoni nga Mafhungo-madifha! Yawee, mukomana, ndi tou vha mubebwa hafhu wa maitele a kale, mubebwa hafhu, nga Muya Mukhethwa, nga Muya wa Mudzimu. Ndo bebwa nga heneyo ndila, ndi zwenezwo fhedzi zwine nda vha zwone, na zwine nda khou ḥodou vha zwone tshifhinga tshoṭhe.

⁷⁰ Tshiñwe tshifhinga, a si kale kale, ho vha hu na musidzana we a vha o ya gudedzini. Huno o vha a a funeaho, musidzana muṭuku. Huno musi a tshi vhuya hayani, a vhuya na miñwe ya mihumbulo ya gudedzini nae.

⁷¹ Huno khamusi, haya matsheloni, vhañwe vha vhoiñwi no vha ni na mihumbulo ya vhoiñwe ya nn̄da na vhoiñwi. Khamusi no vha no kuvhanganya, kha tshivhidzo, vhunzhi ha mihumbulo ya vhoiñwi. Zwo ralo, i bviseni, ndi tshithu tsha khwine tshire nda ñivha u tshi ita.

⁷² Zwenezwo hoyu musidzana, musi tshidimela tshi tshi ima hafhaļa phanda. O vha o da na musidzana muṭuku nae, muñwe wa havha vhaṭongi, ni a ñivha, u fana na muthu a no nga Elvis Presley. Huno musi a tshi ima hanefhaļa, ni a ñivha, kha tshidimela. Mme awe vho vha vha nga nn̄da; musadzi wa mualuwa vho ima hanefhaļa, vho balangana, kha tshifhaṭuwu tshawe; zwiṭuku, mashada o netaho; rokho ḥukhu ya calico ye vha vha vho ambara, na sholo ḥukhu kha mashada awe. Huno hoyu muṭongi muṭuku we a vha a nae, hoyu muñwe musidzana, a lavhelesa fhasi, huno a ri, “Zwo ralo, naa ndi nnyi u la a ḥungufhadzaho, a lavheleseaho o vhifha na u honyana?”

⁷³ Zwo ralo, ni a ñivha, zwa shonisa musidzana nga maanda, a ri, “A thi ñivhi,” ngauri o vha o sinyuwa vhukuma, huno a na mihumbulo minzhi ya shango kha ḥoho yawe. Huno ho vha hu mme awe.

⁷⁴ Musi a tshi tsa kha tshidimela, mme muṭuku wa mualuwa a mu gidimela, u mu kuvhatedza. A ri, “Yawee, mufunwa wanga, Mudzimu a fhaṭutshedze mbilu yanu ḥukhu.” Huno a rembulusa muṭana wawe huno a thoma u tshimbilela kule, sa vhunga ha mu ñivhi. O vha o shona, ngauri mme awe vho vha vho vhifha.

⁷⁵ Huno zwo mbo di itea, mulanguli kha hetsho tshidimela, o vha a tshi ñivha nganea. A tshimbila a ya hanefhaļa, huno a vhea zwanda zwawe kha shađa la hoyu musidzana, a mu rembulusela phanda ha vhathetshelesi, a ri, “U a shonisa! U a Shonisa!” A ri, “Ndo no vhona zwifhinga zwe mme au a vha o naka lwa fumi u fhira zwine wa vha zwone.” A ri, “O vha o ralo. Ndo vha ndi

mudzulatsini.” Huno a ri, “No vha ni lushie luṭuku, huno no vha ni kha nn̄du ya nga n̄tha kha phureme. Huno mme anu vho vha vha tshi khou anea zwiambaro murahu ha nn̄du.” Huno a ri, “Nga khathihi fhedzi, khavhu ya mulilo ya farwa nga mulilo, huno nn̄du yoṭhe yo vha i fhasi ha mulilo. Huno musi mme anu muṭuku vha tshi gidima, huno vha tshi divha zwauri no vha ni kha nn̄du ya n̄tha, hafhalala n̄tha.” A ri, “Vho huwelela, huno vha lingedza u mu thivha. Fhedzi a laṭa zwe a vha o fara, a takuwa, huno a gidima kha mudugudugu wa mulilo, n̄tha kha nn̄du ya n̄tha; huno a bvula zwiambaro zwawe u bva kha muvhili wawe, huno a tanda inwi. Huno khoyu a tshi da, murahu a tshi khou fhira kha mulilo, o ni fara. Huno o noka, muṭani, huno inwi ni zwandani zwawe.” Huno a ri, “O dzhia zwe a vha a tshi nga d̄itsireledza ngazwo, huno a tsireledza inwi.” Huno a ri, “Tshiiitis tsha uri ni nake ḥamusi, ndi tshone tsho itaho uri avhe o vhifhaho. Huno, ni khou ḥodou mmbudza uri ni ḥovha na ḥomni nga n̄thani ha hayo mavhadži ane avha kha mme anu?”

Ndi humbula uri ḥamusি:

Arali Yesu a kondelela tshifhambano a eṭhe,
Huno shango loṭhe li vhofholowe?
Hu na tshifhambano kha muñwe na muñwe,
Huno hu na tshifhambano kha n̄ne.

⁷⁶ Arali Yesu o dzhiwa sa “Belesebulu,” nga heli shango, O vha o sewa na u nyefulwa, na u vhambiwa kha tshifhambano, na u shonedzwa, u itela n̄ne; ndo takala na u fhirisia u hwala u nyadziwa ha vhukhethwa Hawe. Ee, muñe wanga, u vhidzwa “vha vhumbuluwi vhakhethwa,” zwiñwe na zwiñwe zwine na khou ḥodou zwi vhidza, zwiñwe na zwiñwe zwine na khou ḥodou zwi ambisa zwone. Hezwo a zwi zwi imisi na luthihi. Ndo tou takala fhedzi, matsheloni ano, zwauri, mbiluni yanga, o vuswaho Kristo u a tshila na u vhusa. Ndi muñwe wa vhathe vhaw. Ndi fulufhela uri ni ene, na inwi-vho.

⁷⁷ Tshifhinga tshashu tsho fhela zwino. I tou vha kokotolo iri ya vhusumbe n̄tha ha tshithoma, musi ro ri ri do tuwa. Tshumelo dza u bvela phanda dzi do thoma nga murahu ha awara mbili, zwino, nga hafu kha awara ya vhuṭahe.

Khari kotamise zwifhaṭuwo zwashu, lwa tshifhinganyana, kha thabelo.

⁷⁸ Mufhaṭutshedzwa Khotsi wa Taḍulu, minete ya fuināthanu yo fhira, Ipfi lo bva. Mbilu dzashu dzo takala. U pembela hu khou bvela phanda; hu si ni u tou u pembela ha ḫuvha lithihi, fhedzi u pembela lwa U Ya Nga Hu Sa Fheli! Kha Vhugala, Vharuñwa vha khou imbelela. Yawee Mudzimu, Tshivhidzo, gundo, li khou imbelelwa. Dzibebe dza dakalo dzi khou lila. Mimuya ye ya vha yo haṭulelwā kha lufu, huno u ya u fa na u ya tshalonī tsha diabolo; diabolo o kundiwa! Lufu lwo no kundiwa. Tshalo tsho no kundiwa. Vhulwadze ho no kundiwa. Vhutenda

madambi ho no kundiwa. Vhutshivha ho kundiwa. Vengo lo kundiwa. Dziphambano dzo kundiwa. Vhunne ho kundiwa. U vhana maitele a vhunne zwe kundiwa. Tshinwe na tshiñwe tsho kundiwa. Kristo ndi Mukundi muhulwane!

Lavhelesani, vhonani Mukundi wa maanda, (u ralo murendi)
 Lavhelesani, Mu vhoneni kha luvhande lu vhonala, Ngauri Ndi Mukundi wa maanda,
 Sa izwi O kherula lupila nga vhukati.

⁷⁹ O kherula holuya lupila lwe lwa vha lwo thivha muthu kha Mudzimu, huno zwino Mudzimu u dzula vhukati ha vhathu. O kherula lupila holuya lwe lwa vha lu tshi thivhela phodzo ya Mudzimu. O kherula holuya lupila lwe lwa vha lu tshi thivhela phat hutshedzo dla Mudzimu. O kherula lupila holuya lwe lwa vha lu tshi thivhela dakalo la Mudzimu. O kherula holuya lupila lwe lwa vha lu tshi thivhela mulalo wa Mudzimu. Zwino lupila lwo kherulwa nga vhukati. Nga Malofha Awe, O tshimbila sa Mukundi! Nndwa yo fhela, O zwi tikedza kha riñe kha mvuwo Yawe. Huno zwino Muya Mukhethwa ndi thanzi, yo rumelwaho u ri endedza.

⁸⁰ O Mudzimu wa U Ya Nga Hu Sa Fheli, arali hu na muñwe hafha matsheloni ano, ane a khou tou difara nga ndila yo khakheaho, nga ngomu na nda, u bva kha gondo la ntha, u wela nga tsini na ndila; a sa koni u tshimbila vhukati ha ndila, na vha kundi vhahuhu, vhakundi vhahulu vhe vha tshimbila nga vhukati ha gondo; ri a rabela, matsheloni ano, zwauri vha do kumedzela zwe the kha Iwe, na u bva huno vha difhelwe nga gundo heli lihulu lo thubiwaho nga Murena washu o vuwaho. Zwi tendele, Khotsi, ngauri ri a zwi humbelia nga Dzina la Kristo.

⁸¹ Huno musi ri tshe ro kotamisa zwifha tuwo zwashu. Ndi a mangala, kha hetshi tshikhala tsha tshiffinga, arali ni tshi nga imisa zwanda zwanu kha Kristo, huno na ri, "Kristo, ndi a livhuwa, a thi tsha do do vha nda vha na u shonela Iwe hafhu. Ndo tou vha na u vha na nyofho na u sa vha na vhudifulufheli." Mudzimu a ni fhatutshedze, musadzi. Mudzimu a ni fhatutshedze, muñwe wanga. Mudzimu a ni fhatutshedze na inwi. Yawee, nne nne, zwanda zwi khou ima hothe hothe! "Ndo vha ndi tshi tou vha zwi tuku wa u vha na nyofho na u sa vha na vhudifulufheli. Ndo vha na u tou shona. Huno zwino zwa vhukuma ndi khou vhona vhuimo hanga. Ndo vha ndo tea ndi songo zwi ita hezwo. Ndi tea u tou ima nda, nda nea vhutanzi hanga! Ndi tea u tou vha nga heneyo ndila kokotolo. Ndi tea u vhudza muñwe na muñwe, 'Ndo bebwa hafhu.' Ndi tea u vhudza muñwe na muñwe, 'Ndo tanganedza Muya Mukhethwa.' A thi na thoni nga Mafhungo-madifha, ngauri ndi Maanda a Mudzimu kha u tshidzwa. Ndi khou todou tou vha Mukriste wa u ya

phanda. A thi athu vha ene. Fhedzi, nga thuso ya Mudzimu, u bva kha haya matsheloni a Paseka, Ndi do vha. Ndi do vha." Muñwe muthu kha imise tshanda tshawe zwino musi ri sa athu rabela? Mudzimu a ni fhaṭutshedze, inwi, inwi.

⁸² Nne nne, lavhelesa dzitsheo! Fhedzi-ha fumbilithanu kana furaru, vho dzulaho vhukati ha hetshi tshigwada tshiṭuku tsha havha vhathu matsheloni ano, vho dzhia tsheo. U bva kha heli gundo līhulu matsheloni ano, vha khou ya u, nga tshilidzi tsha Mudzimu, u ima na u sa vha na ḥtoni nga Mafhungo-madifha, ngauri ndi Maanda a Mudzimu u i sa u tshidzwani.

⁸³ O Mudzimu, sa izwi hezwi zwanda zwo ya n̄ha, na muzika u khou ita muungo wavhudzi murahu phasi ha bada, sa izwi ro fhira u bva kha lufu u ya kha Vhutshilo, ngauri Iwe wo ri, "Hoyo ane a pfa Maipfi Anga, huno a tenda kha we A Nthuma, u na Vhutshilo ha lini na lini." Vho fhira u bva kha lufu u ya kha Vhutshilo, ngauri Wo itwa lufu u itela uri vha kone u vha Vhutshilo, nga kha u vuwa Hau. Wo itwa wa vha phasi ha Vharuñwa, wa tsela phasi u vha muthu, wa bva kha houla Muyhili wa Tshimuya u bva hangei N̄ha, we wa vha wo itwa nama; huno u na Malofha, huno wa shulula haala Malofha, uri U kone u ita ndila ya u shavha u itela riñe rothe. Zwenezwo u si ite hezwo fhedzi, (ri zwi vhala kha Bivhili), fhedzi Wo zwi sumbedzisa, zwi sa hanedzei, nga u vuwa u bva vhafuni, na u vusa vhafu musi U kha di vha fhano kha lifhasi; hu si izwo fhedzi, fhedzi Wo nea, Wo zwi sumbedzisa kavhili, sa zwe Wa ita kha Abrahamu; zwino, nga nn̄da ha izwo, Wo rumela murahu Muya Mukhethwa sa ḥanzsi. Huno ri na Vhuhone Hawe ho fhaṭutshedzwa na riñe, na nga ngomu hashu, vhu khou ri endedza, vhu khou ri ranga phanda u ya kha Ngoho na Tshedza.

⁸⁴ Ri a U livhuwa nga hezwi zwanda zwinzhi zwo imaho, matsheloni ano, ndi ri, "Ndi dzhia Kristo sa wanga zwino." O Mudzimu, arali vha sa athu vhuya vha lovhedzwa madini, u fanyisa lufu luhulu, u vhulungwa, na u vuwa ha washu mufhaṭutshedza Murena, ngavhe vha tshi vhuya murahu kha tshumelo matsheloni ano, vha tshi da na zwiambaro zwavho, huno vho lugela u ya u dzhena phasi kha heli tivha la madi a gwada. Zwi tendele, Khotsi.

⁸⁵ Ri Fhaṭutshedze riñe. Ri hangwele zwivhi zwashu. Ri do U nea dzithendo, nga kha zwikhathi zwi daho. Musi nndwa yo no fhela tshothe, musi mutsi wo no oma; na dakalo lo no fhela lothe, nga hedzi meme dza lifhasi hune ra renda Iwe nga zweithe zwine ra vha nazwo, ri do tea u vha na maipfi maswa, mivhili miswa, u U renda ngazwo. Ngavhe ri tshi dzhena nga ngomu zwenezwo nga dakalo. Ngauri ri a zwi humbela nga Dzina la Kristo. Amen!

⁸⁶ Khari ime nga milenzhe yashu zwino....?... Ni songo hangwa dzitshumelo, hafu u bva kha awara ya vhutahe. Tshimbilani hayani, ni vhe na vhuragane. Ni vhuye murahu, ri

lavhelela u vha na vhoinwi zwino. Huno zwenezwo madekwana ano, humbulani. Ndi khou tea u ḥuwa masiari ano, u vhala na u rabela.

⁸⁷ Ngauri ndi ri kha vhoinwi, zwauri, Kristo u a tshila, Ha ngo lovha. Huno ndi a tenda, nga mbilu yanga yoṭhe, U ḫo vha a hone kha hetshi tshifhaṭo madekwana ano, u sumbedza zwauri U khou tshila, u ita zwithu zwi fanaho na zwe A ita nga matsheloni haala a Paseka ya u thoma huno na kha lwendo Lwawe lwa vhutshilo. Arali zwo vha zwi songo ralo, zwenezwo ndo vha muporofita wa mazwifhi. Ndo takala vhukuma u ḫivha, kha heyi awara khulu ya swiswi ine ra khou tshila khayo zwino, musi fulufhelo ḫoṭhe, zwi tshi vhonala u nga, ḫo ḥuwa; Kristo, Tombo ḫo khwaṭhaho line ri nga kona u ima, fhethu hoṭhe ndi muṭavha u mbombomelaho. Ndi zwone.

⁸⁸ Nyimbo yashu ḥukhu, ya u vala, ya *Dzhiani Dzina La Yesu Na Inwi*. Muñwe na muñwe, roṭhe zwino.

Dzhiani Dzina La Yesu na inwi,
Nwana wa maṭhupho na zwililo;
Li ḫo ni fha dakalo na . . .

⁸⁹ Rembuluwani hanefho, huno ni khadane, huno ni ri, “Rendani Murena,” kha muñwe muthu tsini na inwi. [Mukomana Branham u khadana na vhañwe, a takala na u ri, “Rendani Murena!”—Mudz.]

Fulufhelo la ḫifhasi na dakalo la Ṭaḍulu;
Dzina Ḥavħudi, O li difha hani!
Fulufhelo la ḫifhasi na dakalo la Ṭaḍulu.

⁹⁰ Zwino muñwe na muñwe kha lavhelese hafha kha heyi ndila? Khari tou Mu renda. Khari tou imisa zwanda zwashu, huno ri ri, “Ndi a U livhuwa, Murena, nga u tshidza muya wanga.” Ndi zwone, muñwe na muñwe!

Ndi a U livhuwa, Murena, nga u tshidza muya
wanga.
Ndi a U livhuwa, Murena, nga u nyita o
fhelelaho.
Ndi a U livhuwa, Murena, nga u nne,
U tshidza Hau huhulu ho ḫalaho vhukuma na
u vha mahala.

⁹¹ Ndi tshithu tsho fhatutshedzeaho hani! Ni a Mu funa? Irani, “Amen.” [Tshividzo tsha ri, “Amen. Amen.”—Mudz.] Yawee, tshi... Tshiñwe na tshiñwe tsho khunyelela zwino, vhana. Tshiñwe na tshiñwe tsho fhela, a hu tshena nndwa, a hu tshena u lwa, a hu na tshire na tea u ita; zwo no fhela. Ri tou takala! Yawee, nne nne! Ro fhelela Khae!

. . . u ditika,
 U tsiredzea na u khuda kha zwikarusi zwo^{the};
 U ditika, u ditika,
 U ditika nga Tshan^a tsha lini na lini.
 Oo, zwi difha hani u tshimbila kha heyi ndila
 ya vhafhiri,
 U ditika nga Tshanda tsha lini na lini;
 Oo, yo tshena hani ndila i aluwa duvha linwe
 na linwe,
 U di tika nga Tshanda tsha lini na lini.
 U ditika, u ditika,
 U tsireledzea na u khuda kha zwikarusi
 zwo^{the};
 U ditika, u ditika,
 U ditika nga Tshan^a tsha lini na lini.

Vhoinwi vhane na nga kona, huno ni na zwi sagadugu, zwi bviseni.

. . . oo, u ditika,
 U tsireledzea na u khuda kha zwikarusi
 zwo^{the};
 U ditika, u ditika,
 U ditika nga Tshan^a tsha lini na lini.

Zwino Bivhili yanu!

U ditika, u ditika,
 U tsireledea na u khuda kha zwikarusi zwo^{the};
 U ditika, u ditika,
 U ditika nga Tshan^a tsha lini na lini.

⁹² Ndi mini? U tsireledzea na u khuda, ho^{the} ho^{the}, zwo fhela tsho^{the}, nndwa yo fhela, pfundo la u fhedzisela lo vundea, O gonya. Haleluya!

U ditika, u ditika,
 U tsireledzea na u khuda kha zwikarusi
 zwo^{the};
 U ditika, u ditika,
 U ditika nga Tshan^a tsha lini na lini.

⁹³ Zwino khari kotamise zwifha^{tu}wo zwashu u livha buseni he Mudzimu a ri dzha hone, huno linwe duvha ri do takuwela nthia u bva kha buse la lifhasi. Ngauri, Murena washu, o bviswa kha buse, a dzhena buseni; uri nea Muya Wawe u sa fi, O gonya nthia u bva buseni. Huno vho^{the} havho vhane vha vha Khae, vha do gonya Nae linwe duvha, kha madzingu a vho fha^tutshedzwaho.

⁹⁴ Sa izwi ro kotamisa zwifha^{tu}wo zwashu. Ndi khou vhona Mukomana Smith u vhukati hashu, matsheloni ano, mufunzi wa Tshivhidzo tsha Mudzimu; o mpfounela madekwe. Mukomana Smith, ni nga tou imela phanda. Ndi a elekanya zwino, zwauri arali Mukomana Smith a tshi nga ri bvisa nga ipfi la thabelo. Sa

izwi ni tshi khou ḥavhanya zwenezwo u ya mahayani a vhoiñwi, u vha na vhuragane hañu. Na vhuya murahu u itela tshumelo ya Tshikolo tsha Swondaha, na tshumelo ya ndovhedzo, i khou thoma nga u ḥavhanya nga hafu u bva kha awara ya vhuñahe. Naa ri nga kotamisa zwifhañuwo zwashu, musi Mukomana Smith a tshi khou ri bvisa nga thabelo.



MUHULWANE NA MUKUNDI WA MAANDA TSV57-0421s
(The Great And Mighty Conqueror)
MILAEDZA YA MVUSELEDZO YA PASEKA

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha nga u ṭavha ha ḫuvha, Lambamai 21, 1957, Thaberenakeleṇi ya Branham kha ḥa Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org